
LO COMS DE PROENSA.

Raimond Bérenger en 1235. Hist. génér. de Provence, Tom. II.
p. 417.

M.

AMICS n Arnaut, cent domnas d'aut paratge
Van outramar e son en mieja via ;
E no podon ges complir lor viatge,
Ni sai tornar per nulla res que sia,
Si non o fan per aital covinen
Q'un pet fassatz, de que mova tal ven
Per que la naus venga s'à salvamen :
Faretz l' o no, que saber o volria ?

Senher en Coms, ieu soi d'aital uzatge
Qu'ades mantenh domnas e drudaria ;
E si be'l pet no me mou d'agradatge
Ieu lo farai, quar si non o fazia
Failliria vas domnas malamen.
Per quieu vos dic del tot certanamen
Que si la naus no ven à salvamen
Après lo pet, totz m'en concagaria.

Amics n Arnaut trop parlatz follamen,
Per lo blasme gran qu'auretz de la gen
Que vol passar tan gen cors avinen
Ab vent de cul en terra de Suria.

Senher en Coms, mout es meils per un cen
Qu'eu fassa'l petz per lor donar de ven,
Qu'eu lais morir tan gens cors avinen :
Qu'eu non pose dir quecun qui gaz non sia.